

# Referat frå årsmøte

i Gloppen Janitsjar torsdag 12. februar 2015

kl 2100 på Firda vidaregåande skule

## Til stades:

Vigdis Henden, Heidi Fure Klausen, Odd Hansen, Martin Lyngstad, Olav R. Myklebust, Gudmar Eikenes, Ingrid Sundal Søreide, Gunnar Eide, Reidun Kjørvik Førde, Eva Fitje Holme, Martha Sundal Engeland, Elin Nikoline Vie, Ingelin Pettersen Seime, Malin Pettersen Seime, Lene Førde, Linda Pupe Støyva, Ole Henrik Mølmann, Hanne Lyngstad, John Rune Ødven, Bjørn Inge Solheim, Didrik Eide, Nils Reed, Margunn A. Evebø, Geir Skagen, Bernt Reed,

Det er 25 medlemmar til stades ved starten av årsmøtet.

## Sak 1: Konstituering

Godkjenning av innkalling og sakliste

Dato for årsmøtet var kunngjort for medlemmane på øving i korpset 8. januar og på epost 14. januar. Det vart gjort offentleg kjent på korpset sine nettsider 14. januar. Sakliste og årsmøtepapir var sendt ut og gjort tilgjengeleg for medlemmane på epost måndag 9. februar.

**Vedtak:** Innkalling og sakliste er godkjent.

## **Val av møteleiar**

Bernt Reed vart foreslått som møteleiar. Det kom ingen andre framlegg.

**Vedtak:** Bernt Reed er møteleiar

## **Val av møtesekretær**

Geir Skagen vart foreslått som møtereferent. Det kom ingen andre framlegg.

**Vedtak:** Geir Skagen er møtereferent

## **Val av to personar til å skrive under møteprotokollen saman med møteleiar**

Det vart gjort framlegg om at Elin Nikoline Vie og Ingrid Sundal Søreide signerte møteprotokollen saman med leiar. Det kom ingen andre framlegg.

**Vedtak:** Elin Nikoline Vie og Ingrid Sundal Søreide signerer protokollen saman med leiar.

## Sak 2: Årsmelding

I 2014 var deltaking på NM for janitsjar, «Somnarnatt ved fjorden», deltaking og teknisk arrangør av Nordvest-meisterskapen og konserten «Yebo» i samarbeid med skulekorpsa som

Bernt Reed

Elin Nikoline Vie

Ingrid Sundal Søreide

var dei viktigaste arbeidet for korpset. Elles var det mykje lokal speling, slik det bruker å vere. Økonomi-aktivitetane til korpset kasta i år mykje av seg. Årsmeldinga vart gjennomgått side for side og det kom ingen endringar.

**Vedtak:** Årsmeldinga for sesongen 2014 er godkjent.

### **Sak 3: Rekneskap med revisjonsmelding**

Rekneskapen vart lagt fram med eit overskot på kr 60 203,87 kroner.

Revisorane har gått gjennom rekneskapen og har ingen merknadar.

Leiar Bernt Reed gjekk gjennom og kommenterte rekneskapen, og svarte på spørsmål om det. Det kom ingen kommentarar til rekneskapen.

**Vedtak:** Rekneskap for 2014 er godkjent utan merknad.

### **Sak 4: Innkome saker**

I 2014 vedtok årsmøtet at korpset endra konsertanttrekk til «svarte pene klede». Medlem Odd Hansen har levert inn årsmøtesak der han kommenterer at korpset no ikkje framstår uniformert på konsert, samtidig som han meiner korpset bør vurdere å «friske opp» antrekket. Årsmøtet kom med innspel til framlegget.

Bernt forslo at årsmøtet sende saka vidare til styret, som får i oppgåve å sjå på om konsertanttrekket skal endrast.

**Vedtak:** Årsmøtet tek saka til vitande og gjev styret i oppdrag å drøfte korpset sitt konsertanttrekk med utgangspunkt i drøftingane til saka.

### **Sak 5: Arbeidsplan**

Styret og musikkutvalet har sett opp eit framlegg til arbeidsplan for 2015 og åra etter. Av større tiltak er NM for janitsjar er hovudsatsinga på våren, Nordvest-meisterskapen til hausten med spørsmålsteikn, og Skotårsgalla i 2016. Årsmøtet drøfta om korpset var klar for ein Skotårsgalla i 2016, og innspela er var eintydige. Det var også tydelege signal på at vi tok med Nordvesten komande haust. Elles vart det lagt til eit par mindre spelingar etter førespurnader dei siste vekene.

På årsmøtet i 2014 vart det teke opp at påskebasaren på tysdag i påskeveka låg abakeleg til for dei som hadde høve til å reise vekk i påska. Det vart forslått at basaren kunne flyttast paldesøndag. I fjor var det ikkje mogleg på grunn av andre arrangement, men det var eit klart ønskje på årsmøtet å prøve dette igjen. Det var også drøfta om basaren skulle flyttast heilt ut av påska, men det var det mindre stemning for.

**Vedtak:** Arbeidsplanen er godkjent med satsing på NM 2015, Nordvest 2015 og Skotårsgalla 2016. Det vert som ei prøveordning for året forsøkt å avvikle påskebasaren i Breim på paldesøndag.

Bernt Reed

Elin Nikoline Vie

Ingrid Sundal Søreide

### **Sak 6: Kontingent**

Kontingenten i Gloppen Janitsjar vart heva til 600 kroner for vaksne og 300 kroner for skuleelevar i 2014. Styret gjer ikkje framlegg om endring i kontingenten.

**Vedtak:** Kontingenten i Gloppen Janitsjar vert kroner 600,- for vaksne og kroner 300,- for skuleelevar.

### **Sak 7: Budsjett**

Styret presenterte eit budsjett for komande sesong som er balansert på 485 000,- kroner. Det er lagt inn ein bruk av eigenkapital på 25.650 kroner med tanke på innkjøp av instrument og NM-tur. Resultatet er balansert med kjende inntekter.

**Vedtak:** Budsjettet for 2015 vart godkjent.

### **Sak 8: Val**

Av dei som står på val i år har desse takka nei til attval: Bernt Reed som leiar sidan 2009. Geir Skagen som sekretær sidan 2003. Ole Henrik Mølmann som første vara og leiar for musikkutvalet sidan 2006.

Gunnar Eide orienterte om valnemnda sitt arbeid. Det har ikkje lukkast nemnda å finne ny leiar til Gloppen Janitsjar. Dei har spurt så godt som alle medlemmane om leiarvervet utan resultat. Valnemnda la difor fram ei innstilling for årsmøtet utan leiar.

Leiar Bernt Reed meinte at årsmøtet ikkje kunne gjennomføre eit val utan at det også vart valgt leiar. Han ba årsmøtet om å utsette saka, og innkalle til ekstraordinært årsmøte knytt til øvinga torsdag 26.februar, der val er sak. Fram til då fekk valnemnda halde fram arbeidet med å finne leiar.

**Vedtak:** Saka 8 «Val» er utsett. Det vert kalla inn til ekstraordinært årsmøte knytt til øvinga torsdag 26.februar, klokka 2130.

Sandane 12. februar 2015

Geir Skagen  
referent

Bernt Reed

Elin Nikoline Vie

Ingrid Sundal Søreide